

1 қазан – Қазақстан Республикасының жоғары білім қызметкерлері күні!

ҒЫЛЫМ ЖӘНЕ ЖОҒАРЫ БІЛІМ МИНИСТРІ «ENACTUS ZHETYSU» КОМАНДАСЫМЕН КЕЗДЕСТІ



Берібаев Ермек Әбілтайұлы
Басқарма Төрағасы – Ректор,
заң ғылымдарының докторы,
профессор.

Құрметті оқытушылар!
Қадірменді университет қызметкерлері!
Баршаңызға белгілі Еңбек министрлігінің 2024 жылғы 11 маусымдағы бұйрығымен «1 қазан – Қазақстан Республикасының жоғары білім қызметкерлері күні» болып бекітілді. Бұл кәсіби мерекенің жеке-дара белгіленуі біз үшін үлкен мәртебе, зор қуаныш.

Жоғары білім саласы – ел ғылымы мен білімінің қарқынды түрде дамуына айрықша әсер ететін қозғаушы күш.

Осы орайда, жоғары оқу орындары мен олардың қызметкерлерінің кәсіби мерекесін атап өту – отандық ғылымды дамытудың маңыздылығын көрсетіп, жоғары білім беру саласындағы мамандардың беделін көтеруге ықпал ететініне сенімдіміз.

Өркениетті елдің ертеңі кемел білім мен кенен ғылымда болса, бұл жолдың бастаушысы – оқытушы. Кез келген ұлттың бәсекелестік қабілеті оның білімділігімен өлшенеді.

Сіздер даярлаған, тәрбиелеген білімгерлеріңіз түрлі деңгейдегі байқауларда пәндік олимпиадаларда, спорттық жарыстарда, шығармашылық, интеллектуалдық байқауларда топ жарып, университетіміздің, еліміздің атын шығарып жүр. Мереке қарсаңында университетіміздің, отандық білім мен ғылымның дамуына өлшеусіз үлес қосып жүрген өздеріңізге ерекше ықылас білдіргім келеді. Кәсіби мерекелеріңіз құтты болсын, құрметті әріптестер. Баршаңызға мықты денсаулық, баянды бақыт, өсіп-еркендеу, бақ-береке тілеймін!



ҚР Ғылым және жоғары білім министрі Саясат Нұрбек «Enactus Zhetysay» командасын қабылдады. Кездесуге ENACTUS Kazakhstan президенті Альбина Ержанова, Жетісу университетінің ректоры Ермек Берібаев қатысты. Министр Жетісу университетінің студенттерін ENACTUS Ұлттық чемпионатындағы жетістіктерімен құттықтап, оларға әлемдік кубокта сәттілік тіледі. Студенттердің жетістіктері олардың жеке бәсекеге қабілеттілігін нығайтып,

Қазақстанның білім мен инновация саласындағы әлеуетін әлемдік аренада көрсететінін айтты.

Саясат Нұрбек өз сөзінде Жетісу университеті зерттеу қызметін белсенді түрде дамытып жатқанын ерекше атап өтті.

Сондай-ақ, министр Орталық Азияда ғылыми-зерттеу академиялық хабын құру жоспары туралы айтты. Бұл хаб аймақтың түкпір-түкпірінен жас ғалымдар мен зерттеушілерді тартатын маңызды платформа болады.

Бұл хаб еліміздің Орталық Азиядағы академиялық және ғылыми инновациялар саласында жетекші орын алуына ықпал етеді.

«ENACTUS Kazakhstan» президенті Альбина Ержанова Қазақстанда ENACTUS Студенттік кәсіпкерліктің әлемдік кубогы алғаш рет өтетінін мәлімдеді. Бұл шараға әлемнің 33 елінен студенттер, кәсіпкерлер, академиялық көшбасшылар мен ірі бизнес басшылары қатысады, бұл өз

ЖЕТИСУ УНИВЕРСИТЕТІНДЕ МАРКЕ ПОЛИТЕХНИКАЛЫҚ УНИВЕРСИТЕТІНІҢ ФИЛИАЛЫ АШЫЛАДЫ

25 қыркүйекте ҚР Ғылым және жоғары білім министрі Саясат Нұрбек пен Италия республикасының университеттер және зерттеулер министрі Анна Мария Бернини кездесті. Кездесуге «Илияс Жансүгіров атындағы Жетісу университеті» КЕАҚ Басқарма төрағасы – Ректор Ермек Берібаев қатысты.

Министр Қазақстан мен Италияның білім беру саласындағы ынтымақтастықтың маңыздылығын атап өтіп, Жетісу университетінің ғылыми-зерттеу қызметінің әлеуетіне тоқталды.

«Жетісу университеті зерттеу қызметін белсенді дамытып жатыр. Оқу орнының Марке политехникалық университеті секілді жетекші шетелдік университеттермен тығыз байланыс орнатуы өңірді білікті техникалық мамандармен қамтамасыз етудің негізгі факторына айналады. Халықаралық серіктестермен ынтымақтастық тәжірибе алмасуға, оқытушылар құрамының біліктілігін арттыруға және білім сапасын жақсартуға



мүмкіндік береді», – деді Саясат Нұрбек.

Италия республикасының университеттер және зерттеулер министрі Анна Мария Қазақстанның адами капиталды дамытудағы өршіл саясатын және университетаралық ынтымақтастықты жоғары бағалады. Италия университеттері Қазақстан студенттерін қуана қабылдайтынын, бірлескен қаржыландырумен ғылыми жобаларды іске асыруға ықыласты екенін жеткізді.

«Орталық Азия – тұрақты және қауіпсіз аймақ, әрі маңызды геосаяси орталық. Бұл өңір жоғары білім беру саласында ғана емес, экономикалық және коммерциялық тұрғыдан да үлкен мүмкіндіктер ұсынады, сондықтан Италия үшін стратегиялық маңызға ие», – деді Анна Мария.

Кездесуде екі ел арасындағы жоғары білім мен ғылыми зерттеулер саласындағы ынтымақтастықтың негізгі бағыттары талқыланды. Жоғары оқу орнының ректоры Жетісу университетінің базасында Марке политехникалық университетінің филиалын ашу туралы келісімге қол қойды.

Осы ынтымақтастық аясында студенттер қос дипломды оқу бағдарламаларына қатысуға, бірлескен ғылыми зерттеулер жүргізуге, академиялық ұтқырлық аясында тәжірибе алмасу мүмкіндігіне ие болады.



ҚУМАР ОЙЫННЫҢ ҚҰРБАНЫ БОЛМАЙЫҚ

3 бет



Жолдау талқыланды

4 бет



ҰСТАЗ, ҒАЛЫМ, ҚАЙРАТКЕР

6 бет



10 ВАЖНЫХ СОВЕТОВ

8 стр.

БІЛІМ КҮНІН АТАП ӨТТІ



Илияс Жансүгіров атындағы Жетісу университетінде білім күніне арналған салтанатты шара өтті.

Шарада сөз алған Басқарма төрағасы – ректор Ермек Бөрібаев барша білімгерлерді, ата-аналарды, оқытушыларды жаңа оқу жылының басталуымен құттықтады.

«Биыл университетіміздің 1 курсына мың жарымнан астам студент қабылданып отыр. Мен әуелгі сөзімді жоғары білім ордасының табалдырығын аттап, жаңа өмірге қадам басып отырған осы студенттер мен олардың ата-аналарына арнағым келеді. Сіздердері жаңа орта, үлкен мүмкіндіктер күтіп тұр. Жарты ғасырлық тарихы бар Жетісу университетіне қош келдіңіздер!» – деді ректор.

Сондай-ақ, Басқарма төрағасы университетте студенттердің сапалы, кәсіби білім алуы үшін барлық жағдай жасалғандығын, мемлекет тарапынан, облыс әкімдігі тарапынан да қолдау бар екенін жеткізді.

Факультет декандары таныстырылып, салтанатты шара одан әрі мерекелік концертке ұласты.



ПРЕЗИДЕНТ КЕҢЕСШІСІ КЕЛДІ



І.Жансүгіров атындағы Жетісу университетіне ҚР Президентінің кеңесшісі Мәлік Отарбаев келді. Алдымен білім ордасының тыныс-тіршілігімен танысқан ол көрмеге қойылған жас ғалымдардың жұмысына жоғары баға берді. Студенттермен кездесу барысында «Әділетті Қазақстан: заң мен тәртіп, экономикалық өсім, қоғамдық оптимизм» атты Жолдауда айтылған бірқатар мәселелер талқыланды. «Мемлекет басшысы Қасым-Жомарт

Тоқаевтың бұл өңірге деген ықыласы бөлек. Ел Президентінің туған жеріне келіп, Жетісу университетінің қара шаңырағында өздеріңізбен жүзdesу мен үшін үлкен мәртебе!» – деді Мәлік Отарбаев. Сондай-ақ, «Сіздер тәуелсіз мемлекетте өмір сүріп жатқан бақытты ұрпақсыздар. Қазір көп елдің арманы бейбіт, әділетті қоғам орнату», – деп әділеттілік, тұрақтылық, тыныштық басты құндылық екенін жастарға түсіндірді. Кездесуде атом электр стансасын салу мәселесі референдумда халықтың дауыс беру нәтижесі бойынша шешілетіні айтылды.

ЛУДОМАНИЯ-ҚОҒАМ ДЕРТІ



Илияс Жансүгіров атындағы Жетісу университетінің 1 курс студенттері арасында «Лудомания - қоғам дерті» тақырыбында жиын өтті.

Жиынды І.Жансүгіров атындағы Жетісу университеті жастар саясаты бөлімінің басшысы Жайық Тазабекұлы жүргізді.

Шараға ТЖБ азаматтық қорғаныс тобының аға офицері Бауыржан Манасов, ТЖБ мемлекеттік инспекторы азаматтық қорғау аға лейтенанты Елнұр Тілеубаев, Жетісу университетінің жедел қызмет көрсету бөлімінің терроризмге қарсы азаматтық қорғаныс және төтенше жағдайлар өрт қауіпсіздігі мен еңбекті қорғау маманы Аман Дуйсенов қатысты.

Шарада жастар әуес вейп темекінің зияны жайлы шағын бейнебаян көрсетілді.

Республикалық ақпараттық-түсіндіру тобының мүшесі, дәстүр деріптеуші, психолог, дінтанушы Қанат Маратулы кездесуде қоғамда белең алып тұрған – электронды темекінің қаупі туралы айтты.

«Соңғы уақытта вейп темекіге әуес жастардың көптігі алаңдаушылық туғызады. Сіздер – еліміздің ертеңі, бір-бір үйдің үмітсіздер. Білім – өмір шырағы демекші, шырағың жарық болса, өмірде адаспай

мәнді ғұмыр кешесің», – деп үлкен өмірге қадам басқан студенттерді зиянды әдеттерден аулақ болуға, салауатты өмір салтын ұстануға шақырды.

Жиында қоғам дерті – лудоманияның теріс әсері мен салдары туралы кең ақпарат берілді. Спикерлер елімізде лудомания мәселесі өте күрделі екенін айтып, онымен күресудің, алдын алу шараларын ұсынды.

Сондай-ақ, шарада жастар арасындағы ұсақ бұзақылық, вандализм, буллинг мәселесі де көтерілді.

ХАЛЫҚАРАЛЫҚ КОНФЕРЕНЦИЯ



І. Жансүгіров атындағы Жетісу университетінде «Слоубализация, аймақшылдық, жаңа сынтетеуріндер» тақырыбында халықаралық ғылыми-практикалық конференция өтті.

Халықаралық конференцияны жүргізген Жетісу университетінің Басқарма төрағасы – Ректор, з.ғ.д., профессор Ермек Бөрібаев

жиынның маңыздылығына тоқталып, конференция жұмысына сәттілік тіледі.

«Бұл ғылыми жиынның мақсаты инклюзивті өсу мен дамуға қол жеткізе отырып, еліміздің ресурстық әлеуетін тиімді пайдалануда жаңа технологияларды игеру. Бүгінгі конференция жаңа идеялар мен ашық пікір алмасу алаңына айналады деп сенемін», – деді ректор.

Пленарлық отырысқа Жетісу облысы әкімінің орынбасары Марлен Көлбаев, РҒА корреспондент-мүшесі, з.ғ.д., профессор Александр Широв, РҒА Экономика институтының посткеңестік зерттеулер орталығының меңгерушісі, з.ғ.д., профессор Леонид Вардомский, РҒА Экономика институтының посткеңестік зерттеулер орталығының бас ғылыми қызметкері, з.ғ.д., профессор Борис Хейфец және тағы басқа да шетелдік білікті сарапшылар, университеттің оқытушы-профессорлары мен студенттері қатысты.

Конференция барысында еліміздің экономикалық және әлеуметтік перспективалары, салалық және аумақтық даму, инклюзивті өсу, Қазақстанның транзиттік әлеуеті мен трансшекаралық сауда тақырыптары қозғалды.

ЖУ СТУДЕНТІ ТАЛДЫҚОРҒАН АРУЫ АТАНДЫ



Гуманитарлық факультеттің, Шетел тілдері және аударма ісі мамандығының 3 курс студенті Абдізақ Көркем «MISS TALDYQORGAN-2024» атанды. Көркем алдағы уақытта республикалық «MISS KAZAKHSTAN-2024» байқауында Жетісу облысының атынан сынға түспек. Биылғы «MISS TALDYQORGAN-2024» сайысына 50-ден аса ару өтініш беріп, 15 бойжеткен финалға өтіп, өзара сынға түсті. Талдықорғандағы сұлулық сайысы осымен 15 мәрте өтіп отыр. Биылғы байқаудың ерекшелігі Талдықорған қаласының 80 жылдығымен тұспа-тұс келуі. Сұлулық тәжін таққан Көркемге алдағы жеңісте сәттілік тілейміз!

ҚҰМАР ОЙЫННЫҢ ҚҰРБАНЫ БОЛМАЙЫҚ



Ойынқұмарлық – аса қауіпті психологиялық дерт. Психологиялық тұрғыдан қараған мамандар, бұл дертке «лудомания» деген ат қойған. Кез келген тәуелділік – емдеуді қажет ететін теріс құбылыс. Ең алдымен, тәуелділік адамды еркіндігінен айырады, бұл денсаулық үшін өте зиянды. Лудомания – құмар ойындарға тәуелділік. Құмар ойынға берілгендердің негізгі бірнеше белгісі болады. Олар ләззат алу үшін ойынның бәсін көтереді. Ойыны сәтсіз болса да тоқтамайды, есіл-дерті ойын ойнау болады, оған қажетті ақшаны қайдан алатынын жоспарлап жүреді, ойнауға мүмкіндік болмаған жағдайда ашуланады, айналасындағы адамдардың көңілін қалтыруға іштей дайын жүреді. Жақындарынан ақша сұрауға, тіпті ақша талап етуге дейін барады. Кредит төлеймін деп алған ақшаның өзін қайтадан ойынға салып жібереді. Еш нәрсеге қызығушылық танытпайды. Күйзеліске түсіп, тұйықталады. Мұндай мінез-құлық лудоманияның ең басты белгісі. Лудоманияға шалдыққандар күндіз күлкіден, түнде ұйқыдан айырылып, күйзеліске түседі. Тамақтану уақыты бұзылады, күн мен түннің орыны ауысады. Олар өз-өзіне қарауды тоқтатады, дұрыс тамақтанбайды, аз ұйықтайды, дене белсенділігінен бас тартады, спортпен шұғылданбайды. Сонымен қатар үнемі стресте жүреді. Зерттеу нәтижесіне келсек, лудоманияда өзіне-өзі қол жұмсау қаупі жоғары (суицид). Мамандардан көмек сұрап келген адамдардың 1/3 өзін-өзі өлтіруге тырысқан немесе сондай ойда болғанын мойындаған. Сондықтан лудомания әлемдегі психиатрлар мен психотерапевтер бақылайтын психологиялық аурулар қатарына кіреді.

Көбіне құмар ойындарға тәуелділік адам өмірін теріс жаққа өзгертпеді. Оңай жолмен табыс табуға құныққан адам қоғамнан біртіндеп ажырап, өзгелермен байланыс орнату, яғни тұлға ретінде даму секілді адами қасиеттерін жоғалтады. Ағайын - туысымен достарымен қарым-қатынасы бұзылады. Жұмыстан айырылады, қызметте мансаптық көтерілуі мүмкін болмайды, күрделі қаржылық мәселелерге тап болады, тіпті өз-өзіне қол жұмсау, бір-бірін өлтіру, ажырасу, ұрлық-қарлыққа жеткізіп, арты түрмеге отырумен аяқталуы мүмкін.

Мамандар лудоманияны емдеу өте қиын екенін айтады. Адам лудоманиядан зардап шеккенін мойындамайынша оны жеңе алмайды. Құмар ойыннан өз бетінше бас тартпайынша ол адамды емдеу мүмкін емес. Ал құмар ойыннан бас тарту процесі әрқашан ауыр. Бұл жолдан өту үшін адамда нақты мақсат болу керек. Өміріңіздегі ең маңызды құндылықтар отбасын сақтап қалу, қарыздан құтылу, өтірік айтпау, достықты құрметтеу, абыройды сақтау жолында әрекет ету керек. Өзіңізге сенімсіз болсаңыз ақша ұстамаңыз, сенімді адамға беріп қойыңыз.

Несиелік картаны жабыңыз, бұғаттаңыз, онлайн ставкалардың шоттарын жабыңыз, егер офлайн ойнасаңыз қолма-қол ақшаны сақтамауға тырысыңыз. Осылайша ойындарға қол жетімділікті қиындатыңыз. Құмар ойындар бағдарламаларың, қосымшаларың жойыңыз. Құмар ойындардың ақша салмайтын, ставка тікпейтін басқаша нұсқаларын табыңыз. Егер ойынға құмарлық, адреналин жетіспей тұрса спортпен айналысыңыз. Мүмкіндігінше экстремалды, тау шаңғысы, тау велосипеді және т.б. спорт секцияларына қатысыңыз.

Егер ойын ойнау шаршағаныңызды басатын болса, оны да басқа хобби арқылы алмастыруға болады. Сіз балалық шағыңызда, жасөспірім кезіңізде не қызықтырғанын еске алыңыз, оны қайталап көріңіз, сізге ұнайтын нәрселер табылады. Тіпті болмаса, үйді күн сайын жинаңыз, егер жер үйде тұрсаңыз аула тазалап, бау-бақшаға күтім жасау, арам шөптерін жұлу, суғару, түптеу де дене шынықтыру болып табылады. Сөйтіп ойынды кейінге қалдырыңыз, не ойын туралы ойларыңызды кейінге қалдырыңыз. Тағы да ойнағыңыз келсе, ерікке жол бермеңіз, үзіліс жасаңыз. Сыртта болып жатқан табиғат аясына назар аударыңыз.

Уақытылы ұйықтау, мерзіммен тамақтану, көбірек қозғалу, таза ауада жиі серуендеу және жақындарыңызбен көбірек араласу – сіздің физикалық және психологиялық күшеюуіңізді қалпына келтіретін факторлар.

Лудоманиядан зардап шегетін жақындарыңызбен қарым-қатынас жасай отырып, оны айыптамауға тырысыңыз. Кейде лудомания құрбаны өз іс-әрекеттеріне толық жауап бере алмайды. Сондақтан құмар ойынға тәуелділікке қарсы тұру өте қиын болады. Бұл ретте тәуелділікті жасырудың қажеттілігі жоқ. Ойындарға ақша беріп, қарыздардың жапсаңыз, керісінше жағдайды қиындатасыз. Оның орнына оны кәсіби көмекке жүгінуге көндіріңіз. Құмар ойынға тәуелділіктен арылу ұзақ уақытты қажет етеді, сондықтан тез нәтиже күтпеңіз.

Елімізде лудоманиямен күрес жүргізу бойынша бірқатар жаңа шаралар қабылданауда. Тиісті заңнамаға түзетулер енгізілуде. Лудоманияға қарсы күреске бағытталған тиісті нормалар әзірленді. Бірінші кезекте бұл букмекерлік кеңселерді, тотализаторлар мен онлайн казиноларды жарнамалауға тыйым салу.

Екінші кезекте құмар ойын ойнауға рұқсат етілген жасты 25 жасқа дейін көтеру. Сондай-ақ, бірыңғай борышкерлер тізімінде тұрған тұлғаларға, алимент төлеушілерге және банкке мерзімі өткен берешектері бар тұлғаларға ойын ойнауға тыйым салу көзделген.

Болат СЕРИЕВ,
Басқарма мүшесі – жастар саясаты жөніндегі проректор.

Өткені жоқ елдің ертеңі бұлыңғыр

Естеріңізде болса, Италияда қазақстандық туристке айыппұл салынған еді. Ол Помпей археологиялық саябағында Цейлер үйіндегі қабырғаға «ALI» деп есімін жазған. Бұл үй самнит кезеңіне, яғни біздің заманымызға дейін II ғасырға жататыны дәлелденген. Сондықтан археологиялық саябақ директоры қазақстандыққа айыппұл төлетумен қатар үйдің қабырғасын қалыпқа келтіруге мәжбүр болған. Жалпы әлемде туристік орындардағы вандализм үшін қатаң жаза қолданады. Мәселен, Италия заңына сәйкес, егер саяхатшы қабырғаларды сырып, бүлдірсе 5 жылға дейін бас бостандығынан айырылуы мүмкін. Сондай-ақ 15 мың еуродан 60 мың еуроға дейін айыппұл арқалайды. Бұдан бөлек Италияда фонтанға шомылуға тыйым салынған. Бұл ретте тәртіп бұзғаны үшін бір турист шамамен 450 еуро айыппұл төлейді. Грекияда да туристерге қойылатын талап көп. Мысалы әйелдерге тарихи орындарға биік өкше киіп бармауға кеңес беріледі. Мұндай аяқ киім Акрополь немесе Парфенон сияқты ескерткіштердің аумақтарына зиян келтіруі мүмкін. Үкімет ежелгі ескерткіштер зақымдалады деп алаңдайды. Биыл жергілікті билік саяхатшы санын қысқартуды көздеп отыр. Келушілердің көптігі, туристік орындардың көркін қашырып, ғимараттарға залал келтірген. Осы ретте круиздік кемелермен келетін саяхатшы санын 17 мың адамнан күніне 8000-ға дейін қысқарту жоспарланып отыр. Ал Қытайда мәдени ғимараттарды бүлдіріп, зиян келтірген туристке жеті түрлі жаза қолданылады. Оның ішінде қаталы жер аудару. Қытайдағы ең танымал туристік

орын - Ұлы Қытай қорғанының қабырғаларын жазып-сызып белгі қалдырғандар қара тізімге енгізіліп, барлық туристік орындардан аластатылады. Тіпті кейін ол азаматтың ел шекарасынан өтуі қиындайды. Сингапурде де бұзақы туристерге қатысты жаза қатаң. Ең ауыр жаза тәртіп бұзғандарды 1 жылға түрмеге қамау болса, ең жеңілі 1500 доллар көлемінде айыппұл салу. Сондай-ақ, елде кез келген жерге қоқыс тастауға болмайды. Бұл үшін көпшілік алдында дүре соғады. Біріккен Араб Әмірліктерінде де вандализм заңмен қатаң жазаланады. Ол зақымдалған нысанның ерекшелігіне, дәрежесіне байланысты болады. Ғимараттардың қабырғаларын сызғаны үшін бірнеше ай түрмеге қамалады. Ал тарихи мұраларды бүлдірген саяхатшы ұзақ мерзімге бас бостандығынан айырылуы мүмкін. Мемлекет басшысы Қасым-Жомарт Кемелұлы мәдени құндылықтарға зиян келтіретін вандализм мәселесін жиі көтереді. «Тағы бір кесел, бұл – вандализм.

Өкінішке қарай, қоғамдық мүліктен бастап, мыңжылдық мәдени мұраларға дейін бәрін жаппай бүлдіру кейінгі кезде әдетке айналған. Бурабайдағы Жұмбақтасты, Баянауылдағы Кемпір-тасты қараңыздар. Ең жауһар жерлеріміздің сұлулығы шимайдың астында қалып жатыр. Үйдегі лифтіні, ауладағы ойын алаңын, көшедегі аялдаманы қиратудың қандай қисыны бар?! Мұның бәрі – барып тұрған тәртіпсіздік, мәдениетсіздік. Өркениетті елдің әрбір азаматы қоғам мүлкін өз мүлкіндей қорғауы керек. Дүниежүзінде, нақты айтқанда, Жапонияда, Оңтүстік Кореяда, Қытайда, Сингапурда жағымды мысалдар көп, осы елдер көпке үлгі болып отыр. Ал біз неге олардан кем болуымыз керек?», деген Президент алдымызда мәдениетті де мейірімді ұрпақ тәрбиелеу міндеті тұрғанын айтқан еді. Содан бері Қазақстанда вандализм мен жеке мүлікті бүлдіргені үшін жаза күшейіп, заң жобасы бекітілді. Қасым-Жомарт

Кемелұлы биылғы Жолдауында да қоғамда заң мен тәртіп идеологиясын терең орнықтыру қажет – деп вандализм мәселесіне тоқталды. Мемлекет басшысының сөзі көңілге үміт сыйлағынмен, мәселенің тағы бір ұшы бар екенін айту керек. Ол жеке меншікке өтіп кеткен тарихи аумақтар. Тарихи терең, қойнауы құтқа толы Жетісу өңірі – петроглифтерге бай. Десе де, Ешкіөлмес жотасы, Арқарлы асуы, Қызылтас археологиялық кешені вандализмге ұшырап, дала өркениетінің сан мың жылдық шежіресі күн санап жойылуда. Құрылысқа қажет деген желеумен кейбір жәдігерлеріміз бүлініп, кәсіптің көзіне айналып отыр. Жетісу өңіріндегі ең көне тарихи орындардың бірі – үлкен жолдың ортасында орналасқан Арқарлы асуы. Бұл үш мың жылдық тарихы бар, петроглифтерге бай орын. Әлеуметтік желіде кәсіпкерлер, бұл маңның тасын үгітіп, құрылыс материалдарын әзірелеп жүрген еңгіме тарайды. Мамандар да жыл сайын тастағы тарихи жәдігерлердің саны азайып бара жатқанын айтып, дабыл қағып жүр. Олар тексеру жұмыстарын жүргізген кезде, адамдардың петроглифтерге әртүрлі жазулар жазып тастағанын байқаған. Бұл химиялық бояулар оңайлықпен кетпейді – дейді. Сол маңда бір жылдары Әлкей Марғұлан атындағы Археология институты зерттеу жұмыстарын жүргізіп, аудан аумағынан петроглифтердің 20 орнын тапқан болатын. Бұл дегеніміз – тұнып тұрған тарих. Ал тарихты қасақана жою, елдіктің іргесін сөгуге бірдей. Өткені жоқ елдің ертеңі де бұлыңғыр.

Әйгерім ИЕБЕКОВА.

ӘДІЛЕТТІ ҚАЗАҚСТАН: заң мен тәртіп, ЭКОНОМИКАЛЫҚ ӨСІМ, ҚОҒАМДЫҚ ОПТИМИЗМ

Мемлекет басшысы Қасым-Жомарт Тоқаев өз жолдауында еліміздің ғылым және жоғары білім саласына тоқталып, сапалы кадр даярлауға баса мән беру керектігін айтты.

«Қазірдің өзінде елімізде шетелдің белгілі 23 жоғары оқу орны жұмыс жүргізе бастады. Оларға мейлінше қолдау көрсету керек. Атап айтқанда, маман даярлауға берілетін мемлекеттік тапсырысты біртіндеп көбейткен жөн. Бұл тәсілді білім бағдарламасы заман талабына сай келетін өз оқу орындарымызда да қолдануға болады» – деп білікті маман даярлау мәселесіне баса мән берді.

Илияс Жансүгіров атындағы Жетісу университеті қос дипломдық білім беру бағдарламасы бойынша шетелдік жоғары оқу орындарымен ынтымақтастық орнатып, жемісті жұмыс істеп келеді. Мәселен, Польшаның Лингвистикалық және техникалық университетімен ынтымақтастық орнаған. Магистранттар Жетісу университетінде «Қазақ тілі мен әдебиеті», Польша университетінде «Филология» мамандығы бойынша қос диплом алды. Сондай-ақ, ресейлік Алтай мемлекеттік университетімен екі бағдарлама бойынша ынтымақтастық орнаттық. Білімгерлер Жетісу университетінде «Экология», ресейлік университетте - «Қоршаған ортаны тиімді басқару» мамандығы бойынша білім алады. Осы жылы Жетісу университетінде Италияның Марке политехникалық университетінің филиалы ашылмақ. Онда қос дипломды бағдарлама бойынша аграрлық сала мамандары даярланатын болады. Студент үш жыл Жетісу университетінің базасында білім алса, төртінші жылы Италияда оқиды. Осылайша білімгерлер Еуропалық профессорлардан дәріс алып, әлемдік кәсіби білімге жол ашады. Төрт жылда бакалавр дәрежесі бойынша қазақстандық және италияндық екі дипломға ие болады. Қос дипломды

бағдарлама түлектерінің еңбек нарығында табысты орын болуына мүмкіндігі мол.

Жолдауда алдағы 2025 жылды Жұмысшы мамандықтар жылы деп жариялады. Өз кәсібін жетік меңгерген мамандар ұлт сапасын арттырады –деп Қасым-Жомарт



Кемелұлы еңбек адамының мәртебесін көтеру туралы бастама көтерді.

«Жоғары оқу орындары ғана емес, техникалық және кәсіптік білім беру мекемелері де білікті кадрлар даярлауы қажет. Үкімет колледжде жақсы оқыған түлектерді мамандығы бойынша мемлекеттік қызметке алу мүмкіндігін қарастыруға тиіс».

Жетісу университетінің колледжі еңбек нарығына қажетті жұмысшы мамандарын даярлап, кәсіптік білім беру саласына жасалған реформаға өз үлесін қосуға дайын.

Жолдаудағы басым бағыттардың бірі – қоғамда заң мен тәртіп идеологиясын терең орнықтыру мәселесі.

Президент мектептерде, жоғары оқу орындарында қаржылық және цифрлық

сауаттылық негіздерін үйрететін білім бағдарламасын енгізу қажеттігін айтты.

Өркениетті ел болуға кедергі жасайтын жағымсыз әдеттерден арылуымыз керек – деп, елдің болашағына кесірін тигізетін бес кеселге тоқталды. Вандализм, лудоман

Құмар ойындарға тәуелділіктің алдын алу және оның одан әрі таралуын азайту.

Алдағы уақытта мемлекет басшысы айтқан заң мен тәртіп, білім мен парасат үстемдік ететін қоғам құруға ат салысып, осы бағытта қарқынды жұмыс жасайтын боламыз.

Президент соңғы жылдары қоғамның қызу талқысына түскен – елімізде Атом электр стансасын салу мәселесі референдум арқылы шешілетінін айтқан болатын. Жетісу университетінің ұжымы мұны бір ауыздан қолдайды. Себебі, «референдум - халық билігінің айқын үлгісі» – деп білеміз.

Мемлекет басшысы әр жолдауында еліміздегі білім саласына талаптар қойып, баса назар аударады. «Педагогикалық жоғары оқу орындарына талапты, қабілетті жастарды қабылдауға баса мән беру керек» - деген Президент сөзін құптаймыз. Себебі, қабілетті жастарды тәрбиелеу – мемлекеттік идеологияның берік негізі.

Президент Жолдауында айтылған жұмыстың негізгі тоғыз бағыты талқыланып, білімгерлерге түсіндірме жұмыстары жүргізілді. Мемлекет басшысы өзінің жолдауында еліміздің қарқынды дамуы үшін Парламент, Үкімет, уәкілетті органдар және барлық мемлекеттік аппарат алдында ізденіс кезеңіндегі жұмыстың негізгі бағыттарын белгілеп, нақты тапсырмалар беріп, жаңа міндеттер қойды.

Президент атап өткендей, елдің жаңа экономикалық бағытының айқындалушы қағидаттары әділдік, инклюзивтілік, парматизм болады. Осы Жолдауда баяндалған міндеттер үш жыл ішінде іске асырылуы тиіс екені айтылған. Мемлекет басшысы айтқан реформаларды енгізе отырып, оларды жүзеге асырсақ еліміздің болашағы жарқын болатыны мәлім.

ЖОЛДАУ ТАЛҚЫЛАНДЫ



Мемлекет басшысы Қасым-Жомарт Тоқаевтың «Әділетті Қазақстан: заң мен тәртіп, экономикалық өсім, қоғамдық оптимизм» атты Қазақстан халқына арналған Жолдауын І.Жансүгіров атындағы Жетісу университетінің ұжымы тікелей эфирден тыңдады. Президент Жолдауда елімізді әлеуметтік-экономикалық тұрғыдан одан әрі дамытуды, өнеркәсіп әлеуетін толық пайдалануды, инфрақұрылымға қатысты өзекті мәселелерді шешуді, еліміздің кадрлық әлеуетін жақсартуды, денсаулық саласын нығайту үшін кешенді шараларды қолға алуды, халыққа әлеуметтік қолдау көрсету жүйесін реттеуді, экологиялық мәселелерді, ғылым мен білім саласын дамытуды, мектепке дейінгі тәрбие жұмысын күшейтуді, сондай-ақ қоғамда заң мен тәртіп идеологиясын терең орнықтыруды көздейтін бірқатар бастаманы рет-ретімен жеткізді. Оқытушылар өз

тараптарынан Жолдауда айтылған бастамаларды қолдап, жоғары білім және ғылым саласы бойынша нақты тапсырмаларды орындауға дайын екенін жеткізді.

Талқылауда Жастар саясаты жөніндегі проректор Болат Сериев құжатта көрсетілген міндеттердің бастысына тоқталып өтті. Соның бірі қоғамның қызу талқысына түскен – елімізде Атом электр стансасын салу мәселесі. «Мемлекет басшысы бұл мәселеге арнайы тоқталып, елімізде АЭС салу референдум арқылы шешілетінін айтқан болатын. Референдум - халық билігінің айқын үлгісі» – деді проректор.

Университеттің ардагерлер кеңесінің төрағасы Амангелді Катенов Президент әр жолдауында еліміздегі білім саласына талаптар қойып, ерекше назар аударатынын айтты.

«Педагогикалық жоғары оқу орындарына талапты, қабілетті жастарды қабылдауға баса мән беру керек» - деген Президент сөзін құптаймын, - деді ардагерлер кеңесінің төрағасы. Сондай-ақ, ол қабілетті жастарды тәрбиелеу – мемлекеттік идеологияның берік негізі екенін айтты. Техникалық факультет деканы Ерлан Сүлейменұлы экологиялық ахуалды жақсарту бойынша өз пікірін ортаға салды. Жастар саясаты бөлімінің басшысы Жайық Тазабекұлы Жолдау бойынша шағын баяндама жасады. Жолдауды талқылау жұмысы барлық факультеттерде жалғасын табатын болады.

РЕФЕРЕНДУМҒА ҚАТЫСТЫ ДӨНГЕЛЕК ҮСТЕЛ

І.Жансүгіров атындағы Жетісу университетінде 6 қазанда өтетін Референдумға қатысты дөңгелек үстел өтті. Жиынға білім ордасының оқытушы-профессорлық ұрамы, қызметкерлері мен білім алушылары қатысты. Аталмыш шараны ректор Ермек Бөрібаев жүргізіп, Президент Қасым-Жомарт Тоқаевтың биылғы Жолдауында айтылған ең келелі мәселе Атом электр станциясын салуға байланысты өтетін Референдумның маңызына тоқталды. Жиында сөз алған физика-математика ғылымдарының докторы, профессор Есен Смағұлов еліміз үшін АЭС салудың қажеттілігін нақты дәлелдермен жан-жақты түсіндірді. «Қазіргі уақытта елімізде су, көмір, газ тапшылығы сезіліп отыр. Халық саны көбейген сайын сұраныс арта береді. Сондықтан атом электр станциясын салу қажет. Оның қуаттылығы көмір мен газдан әлдеқайда жоғары. АЭС-тен алынатын энер-



гия экологиялық ең таза әрі қауіпсіз болады» - деді.

Экономика және туризм кафедрасының меңгерушісі Гүлнар Тулешова АЭС салу арқылы ел экономикасын көтеруге болатынын айтса, жастар саясаты бөлімінің басшысы Жайық Тазабеков жастар үшін жаңа жұмыс орындарының ашылатынын тілге тиек етті. Жиынды қорытындылаған ректор Ермек Әбілтайұлы ұжымды 6 қазанда өтетін Референдумға бір кісідей қатысып, дауыс беруге шақырды.

27 қыркүйек – халықаралық туризм күні

«ТУРИЗМ ЖӘНЕ ҚОНАҚЖАЙЛЫЛЫҚ» – БОЛАШАҚТЫҢ МАМАНДЫҒЫ



Улудаг университеті (Түркия), С.Демирель атындағы Қазақ-Түрік университеті және т.б.

2020 жылы алғаш рет 6В11101- Туризм білім беру бағдарламасы бойынша 1 курс білімгерлерінен арнайы емтиханнан өту арқылы көптілді топ құрылды. Биылғы жаңа оқу жылында 8 білімгер түсті. 3 студент шет тілдерін меңгеру бойынша арнайы IELTS халықаралық тестілеу жүйесі сертификаттарына ие болды және академиялық ұтқырлық бағдарламасы бойынша оқуға дайындық жүргізуде.

Сыртқы академиялық ұтқырлық бағдарламасын дамыту мақсатында Лодзь университетінде (Польша) Дүйсенғали Назира, Мағзам Камила, С. Смольникова Евгения, Саинова Ақбота, Саитова Алина білім алды.

2024-2025 оқу жылының бірінші жарты жылдығында Туризм және қонақ үй бизнесі білім беру бағдарламасының 2 курс білімгері Байділде

- мейрамхана қызметтерін автоматтандыру» сынды жаңа пәндер қосылды. Білім беру бағдарламаларын игеру нәтижесінде кафедра түлектері көптеген салалар мен ұйымдарда сұранысқа ие: туризм, сервис және қонақжайлылық индустриясында, меншіктің әртүрлі нысандарындағы ұйымдар мен кәсіпорындарда және т. б.

Студенттер тәжірибеге бағытталған дәрістер мен семинарлар көбінесе кәсіби дағдыларды нығайтуға бағытталған, сабақтан тыс туристік форумдар мен көрмелерге, эксклюзивті экскурсиялардағы бейінді ұйымдарға барады.

Кафедра ұжымы жұмыс берушілермен де өзара тығыз байланыста. Еңбек нарығында университет түлектерінің бәсекеге қабілеттілігін қамтамасыз ету мақсатында талапкерлерді таңдау және оқуын бітірген түлектерді жұмысқа орналастыру жүйелері толығымен жетілген. Білім беру бағдарламасы жұмыс берушілермен бірлесіп отырып әзірленеді, оқу процесіне де араласа алады, өндірістік практикадан өтуді қамтамасыз етеді.

Бітірушілердің жұмысқа орналасу мәселесін шешу үшін университетте түлектердің қызмет секторы құрылды. Бұл сектордың негізгі мақсаты – жұмыс берушілермен тығыз қарым-қатынас орнату және жұмыс берушілермен кері байланыс қалыптастыру. Алдағы кезеңдегі басты мақсаттардың бірі – дуалды білім беру жүйесін дамыту. Сондықтан да түлектердің жұмысқа орналасуын қамтамасыз ету үшін оқу үрдісін жұмыс берушінің біліктілік талаптарына сәйкестендіру жоспары құрылуда. Біздің студенттерді кәсіби мансапқа дайындаудың артықшылығы – оқытудың жалпы жоғары оқу орнының ерекшелігі, турфирмалардың қатардағы менеджерлерін дайындау, кез келген табысты кәсіпорында шешуші рөл атқаратын мамандарды дайындау.

Кафедра ұжымы - тұрақты дамуына бағыт ала отырып, студенттерімізді туризм және қонақжайлылық саласындағы табысты практиктердің ең өзекті тәжірибесімен қамтамасыз етуге тырысады. Мұнда туризм индустриясын жетілдіру үшін ең батыл және бірегей идеялар шындыққа айналды. Сонымен қатар, ұйымдастыратын іс-шараларға түрлі ғылыми, білім беру, ойын-сауық, қайырымдылық акциялары да кіреді.

Қазіргі заманауи экономика жағдайында, ЖОО-ның бәсекеге қабілетті болуы өте қажеттігі. Сондықтан да, білімнің қызмет көрсету нарығында ЖОО-н бәсекеге қабілеттілігін ЖОО-н басқаруда іскер кәсіпорын ретінде жүйелі бағыттарды қолдану есебінен қол жеткізуге болады. Бұл көзқарас білім беру қызметінің тиімділігін анықтаушы – ресурстық қамтамасыз етілу, басқару жүйесінің құрылымы, маркетингтік кешен, қаржылық басқару, білім сапасының жүйесі стратегиялық компоненттердің әрекетін белсендендіруді талап етеді.

дәрістер, семинар-тренингтер өтеді. Еліміздің туристік әлеуетін ескеру болсақ, жыл өткен сайын мамандарға де-

Анель Малайзияның Management and Science университетіне сыртқы академиялық ұтқырлық бағдарламасымен оқуға жіберілді.

Қазіргі уақытта туризм әлемдік экономикадағы ең ірі және қарқынды дамып келе жатқан секторлардың біріне айналды. Сонымен қатар, әлем экономикасы мезгіл-мезгіл бастан кешіретін төтенше кезеңдерге қарамастан, туризм өзінің даму параметрлерін тез қалпына келтірудің ерекше қабілетін көрсетуде. Қазіргі нарықтық жағдай, бір жағынан, бірқатар дағдарыстық құбылыстардың және күрделі әлеуметтік-экономикалық және саяси сын-қатерлердің болуымен сипатталады, ал екінші жағынан, импортты алмастыру негізінде ішкі туризмді дамытудың кең мүмкіндіктерін ашады.

Туризм және қонақжайлылық - зияткерлік, рухани, шығармашылық дамуға, патриоттық тәрбиеге, әлеуметтік бейімделуге, мәдени және қызмет көрсету саласын дамытуға ықпал ететін сала. Қызмет көрсетуге қатысатын халық үшін туризмді дамытудың маңызды әлеуметтік-экономикалық өсері табыстың, жұмыспен қамтудың, оның ішінде өзін-өзі жұмыспен қамтудың өсуі, сондай-ақ кәсіпкерлік мәдениетті қалыптастыру. Туризм - экономика үшін ең мультипликативті өсерлері бар салалардың бірі. Бюджетке шетел валютасы түсімдерінің негізгі көзі болып табылады.

Туризм - 50-ден астам аралас салалар тартылған ірі салааралық кешен. Ол депрессиялық өңірлер мен моноқалалардың дамуына қосымша серпін беруге, халықтың көші-қон ағынын азайтуға, қосымша көздер құруға, өңірлік бюджетті толықтыруға қабілетті. Шекара маңындағы аумақтардың табиғи-рекреациялық, мәдени әлеуеті саладағы өзара тиімді ынтымақтастыққа қолайлы болған кезде мәдениетаралық коммуникация және трансшекаралық ынтымақтастық құралы шекараның екі жағында туризм және халықаралық мәдени байланыстар орнатуға мүмкіндік береді. Сондықтан, аталған салаға мамандар дайындаудың да өз артықшылықтары мен ерекшелігі бар.

Жетісу өңірінде туризм және қонақ үй саласы мамандарын дайындайтын оқу орны - І.Жансүгіров атындағы Жетісу университеті экономика және сервис кафедрасы. «Туризм мен қонақжайлылық» білім беру бағдарламасында оқитын студенттер облыстың «Жетісу» туристік ақпараттық орталығында, туристік агенттіктерінде, қонақ үй және мейрамхана кешендерінде тәжірибе алмасады. Негізгі сабақтардан басқа студенттер туризм және қонақжайлылық салаларының белгілі қайраткерлері мен менеджерлерінен, білікті мамандардан қонақ



ген сұраныс артуда. Бүгкі әлемде туристік бизнеске мамандар даярлауға айтарлықтай көңіл бөлініп жатыр. Жас жеткіншектерге теориялық білім ғана емес, тәжірибелік матчықтар да маңызды. Сондықтан болашақ мамандардың тәжірибелік дайындығын жақсарту мақсатында жұмыс берушілермен жүйелі түрде кездесулер өткізіліп отырады. Мұндай кездесулер барысында енгізілгені жатқан жаңа пәндер тізімі, курстардың жұмыс оқу бағдарламалары, өндірістік тәжірибе бағдарламалары, дипломдық жұмыс тақырыптары талқыланады. Жұмыс берушілердің өкілдерін қортынды мемлекеттік емтихан комиссиясы құрамына шақыру тәжірибеге енгізілген.

Туризм және қонақжайлылық білім беру бағдарламасы ғылыми - инновациялық қызметті жүзеге асыру үшін мынандай басты шетелдік ұйымдармен тығыз қарым-қатынаста: М. Ломоносов атындағы Мәскеу мемлекеттік университеті, В. Корфант атындағы Жоғарғы Силезск экономика университеті, Лодзь университеті, Бурса

В. Корфант атындағы Жоғарғы Силезск экономика университетінің (Польша) профессоры Stefan Dyrka, Түркияның Бурса қаласында орналасқан Улудаг университетінің профессоры Емин Атасой экономика және сервис кафедрасымен көп жылдардан бері ынтымақтастықта жұмыс істейді.

Қонақжайлылық және туризм индустриясы қазіргі уақытта көптеген қызметтерді қамтиды, бұл өз кезегінде цифрлық технологияларды қолдануды талап етеді. Осыған орай, аталған білім беру бағдарламасына «Қызмет көрсету саласын цифрландыру», «Қонақ үй

Гульнар ТУЛЕШОВА,
Экономика және сервис кафедрасының меңгерушісі.



10 ВАЖНЫХ СОВЕТОВ ПЕРВОКУРСНИКУ



Студенческие годы – одни из самых ярких моментов в жизни человека. ЕНТ позади, студенческий билет получен, и вот новоиспеченный студент оказывается на пороге первого этапа во взрослую жизнь. Как справиться со стрессом, побороть неуверенность и быть готовым к предстоящим трудностям, – мы подготовили актуальный пул советов для тех, кто только начинает пробовать себя в роли студента.

Осознайте начало новой жизни
Для начала поймите, что сейчас пришло время новых знакомств и получения знаний по выбранной специальности. Этот стиль жизни точно не будет совпадать с тем, что был у вас ранее. Научитесь самостоятельно работать и решать возникающие проблемы. Если в школьные годы надо было обязательно учить необходимый материал, то сейчас – никто не будет заставлять. Осознание того, что теперь образование зависит только от вашего желания и стремления – первый шаг на пути к успеху в учебе.

Соблюдайте тайм-менеджмент
Чтобы успевать подготовиться ко всем семинарам и практическим занятиям, необходимо научиться расставлять приоритеты и составлять личное расписание. Относитесь к этому пункту с большой ответственностью и тогда вы не столкнетесь с проблемами из разряда «не успел» или «за-

был». Составляйте списки всех дел и дедлайнов, ведите онлайн-расписание, распределяйте задания на день/неделю/месяц, наклеивайте разноцветные стикеры по всей комнате – используйте любой способ, который поможет контролировать вашу деятельность.

Заводите новые знакомства
Старайтесь не быть замкнутыми, даже если вы очень стеснительный человек. Будьте максимально дружелюбными с однокурсниками – они тоже попали в незнакомую обстановку, как и вы. Обменивайтесь контактами, вливайтесь в коллектив, в определенный момент вас может спасти именно взаимовыручка людей, с которыми вы вместе учитесь. Не забывайте про контакты со старшекурсниками, заводите полезные знакомства – они смогут поделиться опытом, знаниями и материалами. Общайтесь с преподавателями, давайте им понять, что вы заинтересованы в изучении предмета. Намного лучше знакомиться с ними в начале курса, а не во время экзамена.

Научитесь отдыхать
Как бы это не звучало странно, очень важно находить время для отдыха. Когда дедлайны уже на носу и сессия не за горами не позволяйте себе долго сидеть на месте или работать без перерыва. Путешествуйте, проводите время с друзьями или семьей, ходите в кино или просто ничего не делайте. Самое главное – научиться

посвящать себе достаточного свободного времени. После хорошего отдыха вам будет легче работать, а значит знания будут лучше вами усвоены.

Будьте пунктуальны
Не опаздывайте на пары, старайтесь приходить заранее. Не все преподаватели хорошо относятся к ситуациям, когда вы забегаете в аудиторию во время лекции. Некоторые преподаватели вообще не пускают после назначенного времени. Тут мы возвращаемся к вопросу о том, что это образование в первую очередь необходимо вам и соблюдение простейшей дисциплины позволит вам это сделать, если только вы этого захотите. Никто не отменяет форс-мажоров, но лучше всего предупредить старосту или преподавателя заранее. Этот совет также распространяется на соблюдение сроков сдачи необходимых заданий онлайн и офлайн.

Не позволяйте стрессу брать власть над вами
Стресс во время сессии, тревога перед зачетами и экзаменами, волнение при ожидании оценки – это абсолютно нормальные чувства. В разумной мере это стимулирует процесс подготовки и даже не разрешает сидеть без дела. Однако в таких ситуациях важно помнить, что от этого не зависит вся ваша жизнь. Все люди допускают ошибки, намного важнее научиться находить выход из них. Поэтому не впадайте в истерическое состояние и не позволяйте себе излишне паниковать, тогда вы сможете справиться с самыми стрессовыми ситуациями и остаться спокойным.

Готовьтесь к сессии заранее
Знаете, как упрощить себе задачу во время подготовки к сессии? Старайтесь учить все с начала семестра. Узнайте у преподавателей в каком формате будет проходить итоговая аттестация, какую дополнительную литературу подготовить или какими сайтами пользоваться. Ведите конспекты лекций, если это предмет, предполагающий устный экзамен или активно отвечайте на семинарах, если важно применить практические знания. Восстановливайте пропущенный материал и обязательно спрашивайте у преподавателей все, что вам не понятно. Намного продуктивнее постепенно изучать материал, а не оставлять все на последнюю ночь перед экзаменом.

Участвуйте в общественной жизни института
Ваша активность за пределами аудитории это не только способ занять свободное время, но еще и шанс провести его с пользой. Найдите свое место –

студенческое самоуправление, научная деятельность, художественно-культурные сообщества, спортивная активность или студенческие СМИ. Участвуйте в конференциях, международных обменах и заводите сеть знакомств. Самые разные профили подготовки общественной жизни дадут возможность подумать о будущем и научат работать в коллективе. А еще благодаря такой активности можно претендовать на повышенные стипендии и гранты.

Двигайтесь
Когда вся неделя насыщена умственной активностью, самое важное не забывать про занятия спортом. Учебное заведение дает возможность всем студентам заниматься физической активностью не только на парах по физкультуре, но и в дополнительных секциях. Это не просто отвлекает вас от учебной рутины, но и укрепляет ваше здоровье, помогает поддерживать вес и стимулирует мозговую активность. Можно желание заниматься этим, чтобы быть здоровым и всесторонне развитым.

Наслаждайтесь студенчеством
Студенчество – особое время. Это несравнимо ни с каким другим периодом в жизни. Поэтому запоминайте каждый момент, учитесь на своих ошибках и обретайте философию житейской мудрости. Получайте удовольствие от учебы, не воспринимайте это как очередной этап монотонного обучения. Институт – это не просто лекции и билеты на экзаменах. Это целая жизнь, **материал взят из интернет-ресурсов**



От преодоления трудностей к личным достижениям: мотивация для первокурсников
Помните, что каждый первый шаг, который вы делаете в университете, – это часть вашего уникального пути. Первокурсничество может быть полным вызовом и новых впечатлений, но это также ваше время для роста и самопознания. Не бойтесь ошибаться и сталкиваться с трудностями – они лишь укрепляют вас на этом пути. Будьте открыты к новым идеям, общайтесь с людьми, которые вдохновляют вас, и не забывайте о своих целях. Каждое преодоленное препятствие делает вас сильнее, а каждый успех – ярче. Не забывайте, что этот этап вашей жизни – не просто подготовка к будущему, но и возможность сделать его более ярким и насыщенным.

Вы уже продемонстрировали храбрость, приняв решение стать первокурсником. Теперь продолжайте идти вперед с уверенностью и смелостью. Ваша способность справляться с новыми задачами и использовать возможности на полную мощность приведет к удивительным результатам. Доверяйте себе, работайте упорно, и пусть ваше будущее станет воплощением всех тех мечт и стремлений, которые вы сейчас носите в своем сердце.

Ваше путешествие только начинается, и впереди вас ждут невероятные открытия и достижения. Верьте в себя, стремитесь к своим целям, и знайте, что каждый день в университете – это шанс стать лучше и приблизиться к своей мечте. Удачи вам на этом захватывающем пути!

Хава Ханчукаева

ҚҰРЫЛТАЙШЫ: І.ЖАНСҮГІРОВ АТЫНДАҒЫ ЖЕТІСУ УНИВЕРСИТЕТІ

- Газет Қазақстан Республикасы Ақпарат және Коммуникация министрлігі, Байланыс, ақпараттандыру және бұқаралық ақпарат құралдары саласындағы мемлекеттік бақылау комитетінде 2018 жылғы 27 қарашада тіркеліп, № 17378-Г куәлігі берілген.
- «Жетісу университеті» газеті медиаорталықта теріліп, беттеледі.
- Жарияланған мақала авторларының пікірлері редакция көзқарасын білдірмейді.
- Газет айына бір рет шығады.
- Газет Талдықорған қаласы, Қабанбай батыр көшесі, 32-үйде, «Алматы - Болашақ» АҚ филиалы «Офсет» баспаханасында басылады.

МЕКЕНЖАЙЫМЫЗ:
Талдықорған қаласы,
Жансүгіров көшесі, 187 а.
Байланыс телефоны: 12-00

Индекс 64568
Тапсырыс №1061
Таралым 2000 дана

Бас редактор: Б. Шаянбаева
Редактор: А. Иебекова
Корректор: А. Ахметова
Дизайнер-фотограф: Б. Таубалды